

ՔԱՂՈՒԱԾՆԵՐ ՍԻՆՕԴԻ ՅՐԱԴԻՐՆԵՐԻՑ

Յունվարի 12-ին, Թ. 5. Սինոդը լսելով Գանձակի փոխանորդի անցեալ դեկտեմբերի 2-ի, №54 յայտարարութիւնը Ս. Թարգմանչաց վանքի գրադարանի մասին, որոշեց՝ յանձնարարել Գանձակի փոխանորդին, յիշեալ գրադարանի ձեռագրերը ուղարկել Մ. Աթոռ, գիւղական դպրոցի յարմար գրքերը տալ Բանանց գիւղի հայոց դպրոցին, իսկ միւս ծանրակշիռ գրքերը յանձնել Գանձակի Ս. Յովհաննէս և Ս. Լուսաւորիչ եկեղեցիների ծխական դպրոցների գրադարաններին:

Յունվարի 12-ին, Թ. 6. Սինոդը լսելով Վեհ. Հայրապետի մակագրութիւնը որոշեց. ընդունել Արշակ Դաւթեանին հոգեւոր կոչման մէջ իբրեւ Ս. Էջմիածնի միաբան և պատուիրել Սինոդիս գանձապահին վճարել նրան հանգերձագին և սննդագրամ այս յունվարի 1-ից ամսական 30 ռուբլի:

Յունվարի 12-ին, Թ. 12. Սինոդը լսելով Երեւանի Կոնսիստորիայի անցեալ հոկտեմբերի 30-ի № 7554 յայտարարութիւնը, որոշեց՝ թոյլ տալ Երեւանի Կոնսիստորիային պայման կապել Երեւանցի Սիսակ Մանասեանի հետ, Աթոռապական Զօրավարի այգին նրան վեց տարով կապալով տալու համար տարեկան 650 ռ. վարձով:

Յունվարի 24-ին, Թ. 18. Սինոդը լսելով Կաղզուանի վերաբնակիչ քրդուհի Խուդրաթ Խալաթեանի խնդիրը՝ որոշեց. պատուիրել Երեւանի Կոնսիստորիային կարգադրել մկրտել քրդուհի Խուդրաթ Խալաթեանին հայ եկեղեցու ծխով, և հետեանքի մասին յայտնել Սինոդիս:

Յունվարի 17-ին, Թ. 24. Սինոդը լսելով Երեւանի Կոնսիստորիայի անցեալ դեկտեմբերի 31-ի № 9212 յայտարարութիւնը՝ որոշեց. թոյլ տալ Երեւանի Կոնսիստորիային Գետարգելի հողերը տալ վարձով Առինջ գիւղի հասարակութեան 5 տարի ժամանակով տարեկան 1700 ռուբլի վարձով:

Յունվարի 19-ին, Թ. 32. Սինօդը լսելով Կարսի փոխանորդ Ուխտանէս վարդապետի սոյն յունվար ամսի 2-ի յայտարարութիւնը Տ. Տեղակալի անունով, որով խնդրում էր ապաքինուելու համար նշանակել իրան Սանահնի վանքի միաբան, որոշեց՝ Տ. Տեղակալի առաջագործութեան համաձայն Ուխտանէս վարդապետին ազատ համարել Կարսի փոխանորդութեան պաշտօնից և ժամանակաւորապէս կարգել Սանահնի վանքի միաբան, պատուիրելով Արաստանի Հայոց Կոնսիստորիային հոգալ Ուխտանէս վարդապետի սննդի մասին և տալ նրան ամսական 25 ռուբլի բժշկութեան ու հանդերձաքնի համար:

Յունվարի 19-ին Թ. 33. Սինօդը լսելով Բիւրական գիւղի դպրոցի հոգաբարձութեան անցեալ դեկտեմբերի 13-ի խնդիրը, որոշեց. պատուիրել Մայր Աթոռի գանձապահին յանձնել 100 ռուբլի Սինօդիս ատենադպրին ուղարկելու Բիւրականի դպրոցին իր և նպաստ:

Յունվարի 21-ին Թ. 42. Սինօդը որոշեց. բոլոր Կոնսիստորիաներին շրջաբերականով պատուիրել և բացատրել, որ 1910 թ. հոկտեմբերի 29-ի շրջաբերականով Սինօդն արգելել է հայ եկեղեցու ծիսով պսակել այլադաւան քրիստոնեաներին, իսկ եթէ պսակւողներից մէկը հայ-լուսաւորչական է և միւսը այլադաւան (բայց ոչ օրթոդոքս), հայ քահանաները կարող են այդպիսիներին պսակել իրանց գրաւոր խնդրի համաձայն:

Յունվարի 24-ին Թ. 46. Սինօդը լսելով Բագուի ա. կարգի վաճառական Աւետիս Բալայեան Ղուկասեանի կտակի դորձը, որով հանգուցեալը 60,000 ռուբլի կտակում է Մայր Աթոռին, այն պայմանով, որ այդ գրամագլխի $0 \frac{0}{10}$ -ով հայ-լուսաւորչական դաւանութեան պատկանող պատանիներ իրանց ուսումը կատարելագործեն աստուածաբանական և հայկական գիտութիւնների բաժիններում, արտասահմանում՝ որոշեց. նախ ուղարկել պետական գրամատան 1910 թ. հոկտեմբերի 30-ի № 13, 60,000 ռուբլու անդորրագիրը պարտուց շիջուցման պետական Յանձ-

նաժողովին, խնդրելով ուղարկել Սինոդին 40⁰ — արեւր մշտական աւանդի տոմս, երկրորդ՝ հանգուցեալ Ղուկասեանի կտակակատար Պ. Մնացական Խունունցից պահանջել յիշեալ 60,000 ռուբ. տոկոսների գումարի գործադրութեան մանրամասն հաշիւը՝ սկսուած կտակի հաստատութեան օրից մինչև այժմ և երրորդ՝ այս գործից քաղուած տալ Սինոդի հաշուարարական մասին։ Այս հաշիւը իւրաքանչիւր տարի տպելով «Արարատ»-ում մի մի օրինակ այդ Արարատներից ուղարկել կտակակատար Պօղոս Ղուկասեանին և Մնացական Խունունցին։

Յունվարի 26-ին թ. 53. Սինոդը լսելով ի Տ. հանգուցեալ Մաթէոս Բ. կաթողիկոսի մահից յետոյ մնացած գոյքի գործը, որոշեց, վեհաբանի իրեղէնները յանձնել Սինոդիս անդամ Տ. Մատթէոս վարդապետին հսկելու նոցա պահպանութեանը՝ մինչև նոր կաթողիկոսի ընտրութիւնն ու հաստատութիւնը։

Յունվարի 26-ին թ. 62. Սինոդը լսելով Երևանի Կոնսիստորիայի նախկին ատենադպիր Գաբրիէլ Սմբատեանի խնդիրը, կենսաթոշակ տալու մասին՝ ի նկատի առնելով, որ բացի Սինոդից, հոգևոր տեսչութեան մէջ ծառայողների կենսաթոշակի համար չկայ առանձին գրամագլուխ, իսկ եթէ մի երկուսին տրուել է օժանդակութիւն Մ. Աթոռի միջոցներից՝ այդ եղել է իբրև առանձին շնորհ, որոշեց, Գաբրիէլ Սմբատեանի խնդիրը, նրան կենսաթոշակ տալու մասին, թողնել առանց հետևանքի։

Յունվարի 26-ին թ. 66. Սինոդը լսելով Վրաստանի Հայոց Կոնսիստորիայի նախագահող Տ. Եփրեմ եպիսկոպոսի միջնորդութիւնը՝ որոշեց, թոյլ տալ Դիլիջանի ծխականներին եկեղեցուն պատկանող հին գերեզմանոցում ծառեր տնկել, կառուցանել բաց տեղում շինութիւն գրադարան — ընթերցարանի համար եկեղեցու անունով։

Յունվարի 28-ին թ. 73, Սինոդը լսելով Երևանի Կոնսիստորիայի 1910 թ. օգոստոսի 7-ի № 5527 յայտարարութիւնը, որով մատուցանում է Սինոդին Հին Նախիջևան

քաղաքի բնակիչ Կարապետ Աղամեանի կտակած 600 ռուբլին Մայր Աթոռի և Երուսաղէմի օգտին, որոշեց. պատուիրել Մայր Աթոռի գանձապահին Երուսաղէմի օգտին կտակած 300 ռուբ. ուղարկել Երուսաղէմի Պատրիարքական Տեղապահին, իսկ Մայր Աթոռին հասանելի 300 ռ. արդէն անցեալ օգոստոսի 13-ին մուտք է գրած Մայր Աթոռի տոմարում 324 յօդուածով:

Յունվարի 31-ին թ. 82. Չնայելով, որ Սինօդը վիճակային հաստատութեանց համար սահմանում է նախահաշուով ծախքերի որոշ գումարներ, այնուամենայնիւ, ինչպէս երևում է Կոնսիստորիաների ել և մտից մատեաններից, նախահաշուից դուրս ծախքեր են լինում առանց Սինօդի կանխագոյն թոյլտուութեան, Սինօդը որոշեց. շրջաբերական հրամանով խստիւ պատուիրել բոլոր Կոնսիստորիաներին նախ՝ որ ոչ թեմական ատեանները և ոչ հոգեւոր կառավարութիւնները երբեք թոյլ չտան Սինօդի հաստատած նախահաշուից դուրս ծախքեր անել առանց Ատե-

